

學校名稱：\_\_\_\_\_ 班級：\_\_\_\_年\_\_\_\_班 阿美族名：\_\_\_\_\_ 中文姓名：\_\_\_\_\_

## 109 年全國語文競賽原住民族語朗讀【馬蘭阿美語】

國小學生組 編號 1 號

Tanosaripa' sa ko fofo ako talakongkoan

Sowal sa ko fofo ako i takowanen, “ Yo kaemang ho kako,  
ano mitilid i, tanosaripa:' sa talakongkoan. Makafakeloh ko lalan  
itiya ho, ano o laloodan to faedet ko romi'ad i, romakat sa i lalan  
to katayra i kongkoan, misatokiyakiyal a misahikihiki to oo',  
misateroteroc a comikay, matalaw to karakaman no saripa'. Ya  
satapang i, cowa ka eca marakam, macocok, sanalsalen a caenget  
ko saripa', ikor to i, mafana' to a pakalawac no lalan a romakat,  
mililisto to semosemotan a romakat, nga' ca karamok no faedet ko

saripa’.” Wata! Kasapaan, kahemekan ko ’orip iso fofo i kaemang ho saw!” han ako ci fofo ako.

Do^do sato ko pitawcikel no fofo ako, “ I fatad no lalan to katayraan i kongkoan, ira koya sopi, sakidefet sa i lulis no lalan a malengaw, mipapahanhanay kako itira a misalama toya papah no sopi, ma:olahay kako a mitatefing to papah nira, hay tefing han mafekotay kira!” “ Fofoaw, mahecad kita maolah a misalama to sopi!” han ako si fofo ako. “ Ano sapiliyan toya matarangay no cidal a lalan, ripa’en ako ko lengaw noya sopi.” “ As, cowa tahaceka ko saripa’ iso haw?” han ako si fofo ako. “ Mananamay cowa kasikoco kona oo’ a romakat, mansa kahefaen toya sopi a romakat, cowa kafana’ to adada. Hayken, o kakifetol to no ’ofil alatek kona saripa’.” san ko fofo ako.

Hemek sa kako a mitatengil to pitawcikel no fofo ako!

“ Fofow, cowa paka’aca ko wina iso to koco itiya haw? ” “ Iraay to koya tadakoco ako cecay, ka cowa kananam a cikoco kona oo’, so’ot hananay ko saso’ot no koco a mica’elayen i ’afala. ”

Feriwferiw sa ko fali toya dadaya, tanoolah sa kako a mitengil to tawcikel ni fofo ako to ’orip nira i kaemangan nira.

Toya kalaholoholol niyam to dadaya, cowa ko mamatawal  
ako ko ’orip no kaemang ho sa ci fofo, kako han to i, cowa ko  
mamatinako aka ko matiniay a ’orip, cowa ko mamafana’ kako to  
samaanay ko tanosaripa’ sanay a romakat to cifakelohay a si’elac,  
miripa’ hac to citafaay a fakeloh. Kaorira, mafana’ay to kako tona  
ratoh no tawcikel ni fofo, kalimlaen ko losid iso, ’orip iso sanay.  
Aka ka apacang han ko kalolosid, aka pisaloya to romi’ad iso,  
sanay ko tatodong nona tawcikel.

## 我的阿嬤打赤腳上學

以前，打赤腳去學校，路上都是石頭路，走馬路是跑跳碰。剛開始腳底刺刺癢癢，走一段路後自然消失。

夏天，走在太陽底下，沿著路邊走草皮，走起路來跔著腳尖，才不會燙到腳底。

赤腳在路上最常踩的草是含羞草，含羞草有如開花般的往外長，好踩又不會燙到、刺到腳底，因為腳底長出厚厚的繭。

童年赤腳奔跑在田埂的歲月，經過小徑找些可食用的野果，打赤腳與土地接觸的時間一久，練就一雙耐得住冷熱的鐵腳。

當學校宣布要遠足，開心地叫起來「哇！」，想著又期待媽媽會幫我準備便當！不知媽媽會準備什麼菜？便當盒裡若有蘿蔔炒蛋、黑豆鼓炒小魚乾，就是最豐富的便當。遠足的前一夜，開心地無法入睡。遠足旅行必須穿鞋子，由於不習慣穿鞋，顯得彆扭不自然，就把鞋帶綁在一起，掛在脖子上打著赤腳去遠足。